

UPUTSTVO KANDIDATIMA ZA POLAGANJE PRIJEMNOG ISPITA

za upis studenata u prvu godinu prvog ciklusa studija na Elektrotehničkom fakultetu u Sarajevu
u studijskoj 2017/2018 godini

Ispit će se održati u srijedu 12.7.2017. godine, u 10:00 sati u prostorijama Elektrotehničkog fakulteta u Sarajevu, Kampus Univerziteta u Sarajevu, Zmaja od Bosne bb, Sarajevo.

1. Kandidati za polaganje prijemnog ispita trebaju doći u vremenu od 09:30 – 09:45 pred salu u koju su raspoređeni. Raspored kandidata po salama će biti objavljen na oglasnoj tabli na ulazu u Fakultet, te na fakultetskoj web stranici u utorak, 11.7.2017. godine do 20:00 sati.
2. Svaki kandidat mora sa sobom imati odgovarajući identifikacioni dokument sa slikom (lična/osobna karta CIPS-a ili vozačka dozvola CIPS-a ili pasoš/putovnica), te obrazac sa ličnom šifrom kandidata koji kandidati dobijaju prilikom predaje dokumenata na Fakultet.

UKOLIKO KANDIDAT NE DONESE NAVEDENE DOKUMENTE, NEĆE BITI U MOGUĆNOSTI PRISTUPITI PRIJEMNOM ISPITU!

1. Prijemni ispit se piše 120 minuta, od trenutka kada posljednji kandidat u sali dobije zadatke za rad.
2. Svaki tačan odgovor nosi 2 boda, netačni odgovori oduzimanjem bodova za 0,5 bodova, dok se zadaci sa neponuđenim odgovorom vrednuju sa 0 bodova.
3. Tokom rješavanja zadataka, zabranjeno je koristiti mobilne uređaje, kalkulator, ili neka druga elektronska sredstva. Kandidati kod sebe mogu imati samo pišaći pribor (test se piše plavom ili crnom hemijskom olovkom; dozvoljeno je koristiti geometrijski crtaći pribor: šestar, uglomjer, trouglovi), identifikacioni dokument i obrazac sa ličnom šifrom kandidata.
4. Tokom rješavanja zadataka, nije dozvoljen bilo koji vid komunikacije sa ostalim kandidatima.
5. Pitanja u vezi potencijalnih dilema ili nejasnoća oko zadataka upućuju se dežurnom asistentu, ali tako da pitanje i odgovor čuju i ostali kandidati u sali. Narušavanje ovog pravila se sankcioniše odstranjivanjem sa prijemnog ispita
6. Dežurnim asistentima nije dozvoljeno prilaziti pojedinim kandidatima, niti komunicirati sa njima na bilo koji način, osim u slučaju navedenom pod 5.
7. Na dobijenim papirima sa zadacima piše se samo šifra kandidata na za to predviđeno mjesto.
8. Nakon isteka vremena predviđenog za izradu zadataka prijemnog ispita kandidat je dužan predati testove i originalni obrazac sa odgovorima na zadatke, a kopiju obrasca sa odgovorima na zadatke kandidat zadržava za sebe.
9. Primjer obrasca sa odgovorima na zadatke se nalazi na web stranici Fakulteta (<http://www.etf.unsa.ba>).

Obrazac sa odgovorima na zadatke sadrži četiri dijela:

Prvi dio

U prvom dijelu kandidat upisuje JMBG (za strane studente broj pasoša/putovnice).

Drugi dio

U drugom dijelu kandidat popunjava odgovarajuća polja za odabir ciklusa studija za koji polaže prijemni ispit.

Treći dio

U ovom dijelu kandidat upisuje ličnu šifru kandidata (na za to predviđena mjesta), a nakon toga kandidat popunjava odgovarajuća polja (prvo polje odgovara prvom slovu/broju itd).

Četvrti dio

Prilikom popunjavanja četvrtog dijela kandidat upisuje svoje odgovore na zadatke popunjavanjem odgovarajućih kružića.

1. Vrijedi pravilo: jedan zadatak = jedan odgovor (jedno popunjeno polje). Zadatak sa više popunjenih polja se neće priznavati.
2. Bitno je da kandidat obrati pažnju na pravilno popunjavanje polja! Potrebno je potpuno ispuniti polje sa vašim odgovorom. Neophodno je da polje sa svojim odgovorom ispravno popunite budući da naknadne ispravke nisu dozvoljene.
3. Na obrascu sa odgovorima na zadatke nisu dozvoljene ispravke.

KANDIDATIMA SAVJETUJEMO DA ODGOVORE POPUNE TEK KADA SU POTPUNO SIGURNI, JER NAKON POPUNJAVANJA NISU DOPUŠTENE NIKAKVE ISPRAVKE.

Rezultati prijemnog ispita i prigovori na iste:

1. Preliminarni rezultati prijemnog ispita iz matematike, kao i ukupan broj bodova nakon prijemnog ispita , objavit će se u četvrtak, 13.7.2017. godine u 12:00 sati na oglasnoj tabli, na ulazu u Fakultet.
2. Svi kandidati koji imaju prigovor na preliminarne rezultate, moraju prigovor na preliminarne liste i zahtjev za uvid u svoj rad i ponovno pregledavanje istoga, predati u pismenoj formi u Studentsku službu Fakulteta, u vremenu od 14.7.2017. godine do 17.7.2017. godine (zaključno sa 17.7.2017. godine do 12:00 sati).
3. Prigovor se upućuje Komisiji za provođenje prijemnog ispita za upis studenata na Elektrotehnički fakultet u Sarajevu u studijskoj 2017/2018 godini.
4. Razmatranje prigovora na preliminarne rezultate na prijemnom ispitu za upis na Elektrotehnički fakultet Univerziteta u Sarajevu u studijskoj 2017/2018 godini, obaviće se isključivo u prisustvu kandidata, u ponedjeljak, 17.7.2017. godine od 14:00 sati, u sali S5.
5. U slučaju prigovora kandidat je dužan donijeti sa sobom kopiju obrasca sa odgovorima na zadatke, u suprotnom neće moći pristupiti razgovoru sa komisijom.

Predsjednik Komisije

Prof.dr Samim Konjicija